



თბილისის ჰუმანიტარული სასწავლო  
უნივერსიტეტი  
TBILISI HUMANITARIAN TEACHING UNIVERSITY

მართვის ეფექტიანობის მონიტორინგის მექანიზმები და  
შეფასების სისტემა

დამტკიცებულია:	დადგენილების # და თარიღი
	შპს თბილისის ჰუმანიტარული სასწავლო უნივერსიტეტის აკადემიური საბჭოს დადგენილება N9 25.04.2019
შეტანილია ცვლილება:	დადგენილების # და თარიღი
	მუხლის მითითება, რომელშიც შეტანილია ცვლილება



1. ზოგადი დებულებები
  - 1.1. წარმოდგენილი დოკუმენტი აყალიბებს შპს თბილისის ჰუმანიტარული სასწავლო უნივერსიტეტის (შემდგომში - თჰუ) ხედვას და მიდგომებს მართვის ეფექტიანობის მონიტორინგის მექანიზმების და შეფასების სისტემისათვის.
  - 1.2. თჰუ-ს მართვა ხორციელდება უნივერსიტეტის ორგანიზაციული სტრუქტურის შესაბამისად, თჰუ ისწრაფვის მართვის პროცესში ეფექტურად გამოიყენოს ხარისხის უზრუნველყოფის მექანიზმები და საგანმანათლებლო სივრცეში არსებული საუკეთესო პრაქტიკა.
2. მართვის ეფექტიანობის მონიტორინგისა და შეფასების მექანიზმები
  - 2.1. თჰუ-ს მართვის ეფექტიანობის მონიტორინგისა და შეფასებისათვის გამოიყენება შემდეგი მექანიზმები:
    - მართვის ეფექტიანობის ყოველწლიური მონიტორინგი და შეფასება;
    - მართვის ეფექტიანობის კომპლექსური გეგმიური შეფასება;
    - მართვის ეფექტიანობის კომპლექსური არაგეგმიური შეფასება.
  - 2.2. მართვის ეფექტიანობის ყოველწლიური მონიტორინგისა და შეფასებისათვის გამოიყენება შპს თბილისის ჰუმანიტარული სასწავლო უნივერსიტეტის სტრატეგიული განვითარების გეგმისა და სამოქმედო გეგმის შესრულების მონიტორინგისა და შეფასების მიდგომები.
  - 2.3. მართვის ეფექტიანობის კომპლექსური გეგმიური შეფასება ხორციელდება 3 წელიწადში ერთხელ და ემთხვევა თჰუ-ს სამწლიანი სამოქმედო გეგმის დასრულების პერიოდს.
  - 2.4. მართვის ეფექტიანობის კომპლექსური არაგეგმიური შეფასების ინიცირება შეუძლია
    - დამფუძნებელთა კრებას
    - აკადემიურ საბჭოს
    - რექტორს
    - ხარისხის უზრუნველყოფის სამსახურის უფროსს.
  - 2.5. გადაწყვეტილებას მართვის ეფექტიანობის კომპლექსური არაგეგმიური შეფასების ინიცირებაზე იღებს დამფუძნებელთა კრება ან/და აკადემიური საბჭო.
  - 2.6. მართვის ეფექტიანობის კომპლექსური გეგმიური/არაგეგმიური შეფასებისათვის უნივერსიტეტის რექტორის ბრძანებით იქმნება მართვის ეფექტიანობის შეფასების სამუშაო ჯგუფი (შემდგომში - სამუშაო ჯგუფი).
  - 2.7. სამუშაო ჯგუფში უნივერსიტეტის თანამშრომლების გარდა, კვალიფიციური დახმარების აღმოჩენის მიზნით, შესაძლებელია გარეშე პირების მოწვევა.
  - 2.8. უნივერსიტეტის რექტორი განსაზღვრავს ჯგუფის ხელმძღვანელს, რომელიც დებულობს გადაწყვეტილებას ჯგუფის წევრებს შორის ფუნქციების განაწილებისა და შესასრულებელი სამუშაოს ვადების შესახებ.
3. მართვის ეფექტიანობის შეფასების ზოგადი პრინციპები
  - 3.1. ეფექტიანობის შეფასება უნდა იყოს:
    - 3.1.1. რელევანტური - შეფასებამ უნდა ასახოს ის, რის მიღწევასაც ცდილობს უნივერსიტეტი - და არა ის, რაც გასაზომად მარტივია.
    - 3.1.2. დამახასიათებელი - უნივერსიტეტის მართვის ეფექტიანობის შეფასება უნდა ითვალისწინებდეს საგანმანათლებლო სფეროში მოქმედ ეროვნულ სტანდარტებს, უნივერსიტეტის სტრუქტურას და სტრუქტურული ერთეულების ანგარიშვალდებულებებს.
    - 3.1.3. შედარებითი - სტრატეგიული განვითარებისა და სამოქმედო გეგმით დაგეგმილი ამოცანების შესრულება წლების მიხედვით.



- 3.1.4. ნათლად განსაზღვრული - ცხადი და არაორაზროვანი განმარტებით ისე, რომ მონაცემები იყოს შეგროვებული და კრიტერიუმი იყოს ადვილად გასაგები, მინიმალური ახსნა-განმარტებით. შეფასების პროცესის დოკუმენტაცია უნდა იყოს ნათლად წარმოდგენილი.
  - 3.1.5. დროული - მართვის პროცესების შეფასების დოკუმენტაცია უნდა წარმოებდეს საკმარისად რეგულარულად, რათა შესაძლებელი იყოს პროგრესის დანახვა და საკმარისად სწრაფად, რათა მონაცემები იყოს ჯერ კიდევ ღირებული გადაწყვეტილების მიღებისას.
  - 3.1.6. საიმედო და შემოწმებადი - შეფასებამ უნდა გამოიყენოს ზუსტი მონაცემები შესაბამისი საჭიროებებისთვის. გაზომვა უნდა იყოს სისტემატიური და ცვლილებებზე რეაგირებადი.  
დროში გაწერილი - ნათლად უნდა იყოს წარმოდგენილი აქტივობის დროში განხორციელების ვადები.
- 3.2. მართვის ეფექტიანობის შეფასებისათვის გამოიყენება შემდეგი მეთოდები:
- ნორმატიული დოკუმენტაციის ანალიზი;
  - სტრატეგიული განვითარებისა და სამოქმედო გეგმების შესრულების მონიტორინგის შედეგები და ანალიზი;
  - უნივერსიტეტის ადმინისტრაციისა და სტრუქტურული ერთეულების ყოველწიური ანგარიშებისა და თვითშეფასებების ანალიზი;
  - უნივერსიტეტის პერსონალის გამოკითხვა და ინტერვიუება;
  - სტუდენტებისა და კურსდამთავრებულების გამოკითხვები და ინტერვიუება;
  - ფინანსური აუდიტის ჩატარება.
4. მართვის ეფექტიანობის კომპლექსური გეგმიური/არაგეგმიური შეფასების წარდგენა და განხილვა
- 4.1. სამუშაო ჯგუფი მართვის ეფექტიანობის კომპლექსურ გეგმიურ/არაგეგმიურ შეფასებას წარუდგენს უნივერსიტეტის რექტორს, დამფუძნებელთა კრებას და აკადემიურ საბჭოს.
  - 4.2. დამფუძნებელთა კრება და აკადემიური საბჭო იხილავს მართვის ეფექტიანობის კომპლექსურ გეგმიურ/არაგეგმიურ შეფასებას და გამოაქვს შესაბამისი გადაწყვეტილება.